



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CLXIII. Confirmatio cujusdam Paragraphi Constitutionis Benedicti PP. XIII.
circa vacationem Abbatiarum obtinendarum in Congregatione Regularium
S. Salvatoris Ordinis S. Augustini.

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

Ecclesiam, nec non Archiepiscopalis Præsidis Sedem pro uno, deinceps Archiepiscopos, qui Pallii, & Crucis usum aliorum Archiepiscoporum more habeat, omnibusque aliis insigniis Archiepiscopali- bus, nec non privilegiis, honoribus, & præro- gativis ceteris Archiepiscopis debitis, & concessis uti, frui, potiri, & gaudere libere, & licite possit, & valeat Apostolica auctoritate prædicta perpetuo erigimus, & instituimus, eamque nomine, titulo, & honore Archiepiscopali decoramus, ipsiusque Ecclesiæ Ferrariensis pro tempore existentem Præ- sulem Archiepiscopum declaramus, dictoque Tho- mæ Cardinali, & Episcopo Prænestin., ipsiusque Ecclesiæ Ferrariensis Administratori, illiusque pro tempore existenti Præsuli, ut ipsi ad nullum Pro- vinciale præterquam Romanum Concilium evocari possit, & valeat, ita quod non nisi ad Romanum Concilium huiusmodi accedere teneatur, eadem Apostolica auctoritate, cum hoc tamen quod idem Thomas Cardinalis, & Episcopus Prænestin. absque alia ubi de Ecclesiæ Ferrariensis prædicta in admini- strationem de nova facienda concessione in ejus- dem Ferrariensis Ecclesiæ administratorem præfectus esse intelligatur, & existat, concedimus, & in- dulgemus, dictoque Thomæ Cardinali, & Epi- scopo Prænestin. ut ipse etiam si dictæ Ecclesiæ Fer- rariensis administrator existat nihilominus, ac si illi vere præset, Pallium Archiepiscopale ratio- ne dictæ Ecclesiæ Ferrariensis a nobis petere, illo- que libere uti, crucemque deferre libere, & licite valeat, licentiam desuper impartimur, & facul- tatem.

Præsentēs
Literæ nul-
lo unquam
notandæ vi-
tio.

§. 5. Præsentēs quoque literas, & in eis con- tenta quæcumque nullo unquam tempore etiam ex eo, quod causæ propter quas hæc omnia facta fuerunt examinatæ, verificatæ, & approbatæ, & quicumque in eis interesse habentes ad id vocati non fuerint, nec præmissis consenserint, siue alias ex quibuscumque causis legitimis, & iuridicis de subreptionis, vel obreptionis, aut nullitatis vitio, seu intentionis nostræ, vel quopiam alio defectu notari, impugnari, retractari, in jus, vel contro- versiam revocari, ad terminos juris reduci, vel adversus illa quodcumque juris, facti, vel gratia remedium etiam aperiitionis oris impetrari posse, nec sub quibuscumque similibus, vel dissimilibus gra- tiarum revocationibus, suspensionibus, limita- tionibus, aut aliis contrariis dispositionibus per nos, seu Romanos Pontifices Successores nostros sub quibuscumque verborum expressionibus, & formis, etiam motu, scientia, & potestatis plenitudine si- milibus pro tempore factis comprehendendi, sed tan- quam pro augmento Divini cultus concessa mini- me comprehendendi, sed semper ab illis excipi, & quoties illæ emanabunt, toties in pristinum, & eum in quo antea quomodolibet erant, statum res- tituta, reposita, & plenarie reintegrata, ac de novo, etiam sub quacumque posteriori data per dictum Thomam Cardinalem, & Episcopum Præ- nestin., & pro tempore existentem Ecclesiæ Fer- rariensis Archiepiscopum quandocumque eligenda concessa fore, & esse, suosque plenarios, & in- tegros effectus sortiri debere, nec quemquam quatenus opus sit ad eandem præsentēs in Came- ra nostra Apostolica juxta Constitutionem re. me. Pii Papæ IV. pariter Prædecessoris nostri desuper editam, aut alias quandocumque præsentandum, insinuandum, & registrandum teneri, neque il- las propterea irritas, sed omnino valere, & sus- fragari, perinde ac si prædicti Pii IV. Prædeces- soris Constitutio huiusmodi, aliaque contraria minime emanassent; sicque per quoscumque Ju- dices ordinarios, & delegatos etiam causarum Palatii Apostolici Auditores, ac præfate S. R. E. Cardinales, etiam de latere Legatos, Vicele- gatos, dictæ Sedis Nuncios, sublata eis, & eo- rum cuilibet quatenus aliter judicandi, & inter- pretandi facultate, & auctoritate in quavis cau- sa, & instantia judicari, & diffiniri debere, &

si secus super his a quoquam quavis auctorita- te scienter, vel ignoranter contigerit attentari, irritum, & inane decernimus.

§. 6. Non obstantibus quatenus opus sit no- stra, & Cancellariæ Apostolicæ Regula de jure quæsito non tollendo, nec non ejusdem rec. Cle- mentis III. ac prædicti Cælestini III., & Innocen- tii etiam III. ac Honorii quoque III. Romanorum Pontificum etiam Prædecessorum nostrorum super auctoritate, & usu Pallii editis, aliisque Constitu- tionibus, & Ordinationibus Apostolicis ejusdem- que Ecclesiæ Ferrariensis etiam Juramento, con- firmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & literis Apostolicis eidem Ec- clesiæ Ferrariensis illiusque Præfatis, & admini- stratoribus, nec non dilectis filiis, illius Capitulo, aliisque personis sub quibuscumque tenoribus, & formis, ac cum quibuscumque derogatoriis derogatoriis, aliisque efficacioribus, & insolitis clausulis, nec non irritantibus, & aliis Decretis, etiam motu pari, & consistorialiter, aut alias quomodolibet, etiam pluries concessis, approba- tis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, & individua mentio, seu quavis alia expressio ha- benda foret, tenores huiusmodi, ac si de verbo ad verbum, nihil penitus omisso, & forma in illis tradita observata inserti forent, præsentibus pro sufficienter expressis habentes, illis alias in suo robore permanens, hac vice dumtaxat latissime, & plenissime, ac specialiter, & expresse motu pari derogamus contrariis quibuscumque.

§. 7. Volumus autem, quod eorumdem præ- sentium transumptis etiam impreffis manu Nota- rii publici subscriptis, & sigillo alicujus personæ in dignitate Ecclesiastica constitutæ munitis, ead- em prorsus fides in Judicio, & extra illud adhi- beatur, quæ eisdem præsentibus adhiberetur, si forent exhibitæ, vel ostensa.

§. 8. Nulli ergo omnino hominum liceat hanc paginam nostræ approbationis, confirmationis, roboris adjectionis, defectum suppletionis, erectionis, Institutionis, declarationis, con- cessionis, indulti, Decreti, derogationis, & vol- untatis infringere, vel ausu temerario contraire. Si quis autem hoc attentare præsumpserit, indi- gnationem omnipotentis Dei, ac Beatorum Pe- tri, & Pauli Apostolorum ejus se noviter incur- surum.

Datum Romæ apud S. Mariam Majorem An- no Incarnationis Dominicæ millesimo septingen- tesimo trigésimo quinto, sexto Kal. Augusti Pont. nostri Anno VI.

F. Card. Oliverius.

Confirmatio cujusdam Paragraphi Constitutio- nis Benedicti PP. XIII. circa vacationem Ab- batiarum obtinendarum in Congregatione Re- gularium S. Salvatoris Ordinis S. Augustini.

CLEMENS P. XII.

*Ad futuram rei memoriam.

§. 1. **E**Xponi nobis nuper fecit dilectus filius Joannes Albertus de Grandis Abbas ge- neralis Congregationis S. Salvatoris Ordinis S. Augustini, quod per Constitutionem fel. rec. Benedicti PP. XIII. Prædecessoris nostri Anno In- carnationis Dominicæ 1729. Septimo Kal. April. Pontificatus sui Anno V. emanatam, quam Nos per aliam nostram Constitutionem ad pri- stinum statum, ac terminum omnino reduxi- mus, & reductam esse volumus inter alia sta- tuitur, & decernitur, quod licet dispositio,

Derogatio
contrario-
rum.

Transumptio-
rum fides.

Temerato-
ribus inflicte
pœnæ.

Dat. die 27.
Julii 1735.
An. VI.

CLXIII.

Bened. XIII.
decrevit di-
gniores ad
Abbatias hu-
jus Congre-
gationis esse
assumendos,
quamvis Mo-
nasterii ejus-
dem, vel
Provinciæ
non fiat filii
serv. serv.

quæ

quæ habetur in literis piæ me. Pauli Papæ V. Prædecessoris pariter nostri, quarum initium est. Alias motu proprio &c. quibus personæ diversæ nationis, ac patriæ ad regimen Prælaturarum Monasteriorum dictæ Congregationis Sancti Salvatoris assumi vetantur, & natis ubi sita sunt Monasteria Prælaturas easdem conferri præcipitur retroactis temporibus utilis esse potuerit nihilominus cum ob defectum idoneorum interdum non idoneos promovere, aut Prælaturas ipsas non sine magno regularis disciplinæ, & rerum Monasteriorum detrimento vacuas relinquere oporteat; Idem Benedictus Prædecessor huiusmodi gravi incommodo occurrere volens, ac ut deinceps personæ in Abbates Monasteriorum prædictæ Congregationis assumendæ sacris literis, prudentia, & maturitate sint commendabiles, & idoneæ ad feliciter in spiritualibus & temporalibus Monasteria ipsa dirigenda, dispositionem, literasque prædictas ejusdem Pauli Prædecessoris, nec non alias re. me. Alexandri Papæ VII. iidem Prædecessoris Nostri incipientes *Ad Apostolicæ &c.* quibus inter cætera Congregationi Sancti Salvatoris huiusmodi Abbatiam infra scripti Monasterii Terræ Centi Diocesis Bononiensis Presbytero professo & in dicta Terra orto, vel in ejus defectum Ferrariensi conferendi obligatio injungitur, in hac parte tantum, in reliquis vero in suo robore permanens de medio fustulit, & abrogavit: occurrentibus vero Abbatiarum vacationibus præcepit, ut Abbas Generalis, & quatuor Visitatores dictæ Congregationis digniorem personam ex Provincia, in qua Abbatia vacans sita fuerit desumant; Cum hac tamen Regula, quod ceteris paribus respectively præferri debeant Religiosi Canonici propinquiore Monasterii Provinciarum ejusdem Congregationis, quique saltem in trigésimo quinto suæ ætatis, & duodecimo Religiosæ professionis anno constituti existant, & postea per novem annos cum laude & Discipulorum profectu Philosophiam, aut Theologiam prælegerint, vel Thyronum regimen, seu curam Animarum in illis Ecclesiis dumtaxat, quibus inserviunt, iidem Canonici Sancti Salvatoris, ibique viget regularis observantia exercuerint, seu Quadragésimali tempore Sacras Conciones in Civitatibus ad Populum habuerint, vel munus Præsidentis actualis sustinuerint, seu per quindecim annorum spatium procuracionem alicujus Monasterii laudabiliter gesserint, quos ad Abbatias, ut profertur vacantes obtinendas quibuscumque aliis quacumque ratione ad eas aspirantibus penitus remotis & exclusis, eligere omnino debeant, & teneantur auctoritate Apostolica perpetuo statuit, & declaravit.

§. 2. Cum autem, sicut eadem expositio subiungebat, dictus Joannes Albertus Abbas Generalis observantia Constitutionis memorati Benedicti Prædecessoris in maximum ipsius Provincie, imo totius Congregationis progressum refidet, præsertim quoad illas Nationes numero carentes, dum nationales hoc pacto multum operæ, & laboris in studiis consumunt ad hoc, ut idonei reddantur, iis vero minime existentibus, electio cadet in personas, quæ dignitati decorem, & toti Congregationi utilitatem afferant. Nobis propterea dictus Joannes Albertus Abbas Generalis humiliter supplicari fecit, ut in præmissis opportune providere, & ut infra indulgere de beniguitate Apostolica dignemur.

§. 3. Nos igitur eundem Joannem Albertum Abbatem Generalem specialibus favoribus, & gratiis prosequi volentes, & a quibuscumque excommunicationis, suspensionis, & Interdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, huiusmodi supplicationibus inclinati, præin-

tam particulam ex Constitutione Benedicti Prædecessoris exceptam, ut præfertur, auctoritate Apostolica tenore præsentium confirmamus, & approbamus, illique Apostolicæ firmitatis robur adjicimus, ac illam perpetuo observari mandamus.

§. 4. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit plenissime suffragari; & ab eis respective inviolabiliter observari; sicque in præmissis per quoscumque Judices Ordinarios, & delegatos, etiam Causarum Palatii Apostolici Auditores judicari, & diffiniri debere, ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus præmissis ac Constitutionibus, & Ordinationibus Apostolicis, ac quatenus opus sit prædictæ Congregationis aliisque quibuscumque, etiam Juramento, confirmatione Apostolica vel quavis firmitate alia roboratis statutis, & consuetudinibus, privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores, præsentibus pro plene, & sufficienter expressis, ac ad verbum insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 6. Volumus autem, ut earundem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique habeatur, quæ ipsis præsentibus haberetur, si forent exhibitæ vel ostensæ.

Datum Romæ apud S. Mariam Majorem sub Annulo Piscatoris die 4. Julii 1735. Pont. nostri Anno VI.

F. Card. Oliverius.

Omnes Regulares etiam Ordinis Cisterciensis in Regno Lusitanie tenentur observare Constitutiones Gregorii XV. & Clementis X. circa Parochialium usum, & Sacramentorum administrationem.

C L E M E N S P P . X I I .

Ad futuram rei memoriam.

Admonet Nos Apostolici muneris ratio ad ea serio intendere, per quæ provide statuta a Prædecessoribus nostris, præsertim ad Ecclesiasticam disciplinam tuendam, ac pacem, & tranquillitatem inter Villicos, & Operarios agri Dominici firmandam spectantia, inviolabiliter custodiantur, atque observentur.

§. 1. Exponi siquidem Nobis nuper fecit Venerabilis Frater Patriarcha Ulyxbonen., quod Regulares Regnorum Portugallie, & Algarbiorum diversis temporibus adniti fuerint sese ab observatione Constitutionis fel. rec. Gregorii PP. XV. Prædecessoris Nostri, quæ incipit: *Inscrutabili Dei providentia* subducere, ac eximere, freti quibusdam in simili forma Brevis literis rec. me. Urbani PP. VIII. Prædecessoris etiam Nostri die 3. Martii 1625. expeditis, tenoris, qui sequitur, videlicet: Dilecto Filio Magistro Joanni Baptistæ Pallottæ in utraque Signatura nostra Referendario, Jurium, & Spoliorum Camera nostræ Apostolicæ in Portugallie, & Algarbiorum Regnis debitorum Collectori Generali. Urbanus PP. VIII. Dilecte fili salutem, & Apostolicam benedictionem. Alias a fel. rec.

Sicque servari præcipit in futurum.

Derogat contrariis.

Transumptis credi jubet.

Dat. die 4. Julii 1735. An. VI.

CLXIV.

Procemium.

Causa ferenda Constitutionis.

Grego-

Procurator Generalis pro huiusmodi Decreti confirmatione supplicat.

Benigne præstat Clementis.